

佛
山
忠
義
鄉
志

江苏工业学院图书馆
藏书章

重修佛山忠義鄉志叙

道光丙戌春余在黔南得請

歸省同人以佛山鄉志體例

未協采輯未廣且前志迄今

已七十餘年屬余續輯余以

簡書期促父命就道而未

有以應也且謂之曰為一事
而不能度越前人者勿為可
也續輯之難莫難於采訪尤
莫難於手筆因揆陳雲麓吉
士所纂原志以行塗次將應
刪定改應增者復之越歲戊

子夏在閩藩任奉先通奉
諱遒歸經營兩先塋幾及
兩載庚寅春同人復以續輯
請竊念余受祿於
朝尚不至藉筆硯以餬其口
復謂之曰志可續矣紙筆脩

脯膏伙剝剝之助君等均之
余不敢受但以藁本末三閱
月余將有以復諸君也夏五
月藁本至以其未備復持去
秋七月洗零門孝廬來出藁
本曰此藁天耳其門類排署

藝文金石搜羅增改將有待
也余北行有日且鄉中事蹟
采訪已完僅就家中所有之
書於藝文金石各增蓋之汰
其繁冗釐定其門類各加論
正原志凡十門今衍為十四

門鄉域鄉事選舉鄉俗鄉
學鄉防名宦人物藝文九門
志仍其舊析官典為祀典官
署兩門以歸典則增鄉藝一
門全載告示以別藝文再增
金石雜錄兩門以廣聞見以

八月之杪告成越月余服闋
俯裝首塗其書寫格式字句
校讐均不暇及也自周禮有
鄉師鄉老鄉大夫次有黨正
族師閭胥鄙師鄰長里宰
隣長之設漢文帝置三老孝

弟力田無常負三老掌教化
凡有孝子順孫貞女義婦讓
財救患及學士為民式者皆
扁表其門以興善俗由晉洎
唐鄉官皆以鄉之有德行者
為之至德以後始掌以官司

然秦制十里一亭十亭一鄉
漢因秦制縣方百里則鄉之
大興縣等今佛山忠義鄉廣
七里袤十里耳而其間孝子
順孫貞女義婦讓財救患及
學士為民式者沐浴

聖朝重熙累洽之化日彰月
盛又七十餘年中榜乙科倍
於前數則鄉不可以不志志
不可以不續但恐搜訪尚多
遺漏而余之手筆於陳先輩
無能為役耳既脫簪紱書以

復諸君

道光十年歲在庚寅冬十月

里人吳榮光撰并書於三十六

江丹次



佛山忠義鄉志

凡例

一陳志云邑志首載分野此獨缺者緣地在邑中分野自與邑同邑志旣詳毋庸贅述今仍之

一陳志云邑志載文武科甲至歲貢而止其各途出身軍功出身例貢國學郡縣文武學不與焉今則盡登之非好繁也蓋以齒於衣冠異於凡民或仕祿之初階或科名之發軔是宜並存以勵進取今仍之

一陳志云邑志所載耆壽俱有行誼可傳否則百齡以上茲則寬收九十以上悉錄以鄉黨尙齒

也今仍之

一陳志云藝文以有關於鄉之風土者迺載餘雖鉅藻鴻裁槩不旁采今仍之

一陳志於選舉門凡前明宗室僭號除授科目者槩不敢登今仍之

一陳志於名宦門現任者不立傳人物門雖功名顯赫苦節可貞及巖穴高蹈之士其人尙在亦不立傳以杜諛誣而矢慎公今仍之

一陳志職官祀典合紀名爲官典未知所出查漢官儀唐六典等書俱載一代制作未聞有設官祀典合而爲一者且原志祀典內附人不見經

史之神廟何以爲典佛山同知乃分防之員與廳縣有城池學校者迴別今析祀典爲一門以官存署官署爲一門與府縣志所載職官者微有區分至佛山應改設直隸同知管見謹敘入鄉域鄉防二門小引內

一陳志內前明上諭特敕等字俱係兩擡頭寫使人閱之竟不知爲何代之書且靈應祠祝文載於卷首竟似廟誌而非鄉志又只載前明祝文

國朝

諭祭係康熙年間事在陳志前而祝文不載未知何意